



SISTEMA DE GARANTÍA DE CALIDADE DOS CENTROS (GRAOS E MÁSTERS)

PROCEDEMENTO

## Xestión das Prácticas Académicas Externas

CÓDIGO DO-0204 ÍNDICE 05

ELABORACIÓN	VALIDACIÓN	APROBACIÓN
Área de Calidade	Comisión de Calidade	Xunta de goberno
Data e sinatura 05/12/2024	Data e sinatura 16/12/24 	Data e sinatura 11/02/25 

## Proceso

Planificación e desenvolvemento do ensino.

## Histórico de evolucións

ÍNDICE	DATA	ELABORACIÓN	MOTIVO DAS PRINCIPAIS MODIFICACIÓNS
00	15/05/2008	Área de Calidade	Creación do procedemento PC10 «Xestión e revisión das prácticas externas integradas no plan de estudos» (documentación marco).
01-03	2008-2011	Comisións de garantía de calidade dos centros	Intervalo de modificacións realizadas polos centros baseadas fundamentalmente nas recomendacións establecidas nos informes de avaliación dos sistemas de calidade, remitidos desde a ACSUG.
04	24/04/2013	Raquel Gandón e José Miguel Dorribo (Área de Apoio á Docencia e Calidade)	Evolución completa do procedemento: nova codificación, trama de redacción e estrutura; novos contidos. Modificación do título e do código: pasa a DO-0201 P1 «Xestión das prácticas académicas externas».
05	05/12/2024	Área de Calidade	Actualización do procedemento para a súa adaptación á nova normativa (RD 822/2021, RDD 640/2021 e LOSU) e ao Regulamento da Universidade de Vigo.

## Índice

---

I OBXECTO .....	4
II ALCANCE.....	4
III REFERENCIAS.....	4
IV DESENVOLVEMENTO .....	6
V ANEXOS .....	10

---

## I OBXECTO

Establecer a metodoloxía para xestionar as prácticas académicas externas curriculares e extracurriculares do estudiantado da Universidade de Vigo, así como garantir a súa planificación e o desenvolvemento axeitado.

---

## II ALCANCE

O alcance deste procedemento esténdese ás prácticas académicas externas curriculares e extracurriculares realizadas na Universidade de Vigo (en dependencias ou servizos non destinados á actividade docente) ou en entidades colaboradoras, no ámbito nacional e internacional, tanto en titulacións oficiais e títulos propios da Universidade de Vigo.

Quedan excluídas deste procedemento as prácticas de campo e outras actividades prácticas de materias recollidas nos plans de estudo, aínda cando se realicen fóra dos centros, as prácticas externas realizadas no estranxeiro ao abeiro de programas de intercambio e as estadias en entidades colaboradoras para realizar traballos de fin de grao e traballos de fin de máster.

---

## III REFERENCIAS

### III.1. Normas

A lexislación e a normativa xeral que afecta ao SGC dos centros está descrita no *Manual de calidade*. A lexislación que non está no Manual é a seguinte:

#### **Lexislación**

- Lei Orgánica 2/2023, de 22 de marzo, do Sistema Universitario.
- Real decreto 640/2021, do 27 de xullo, de creación recoñecemento e autorización de universidades e centros universitarios e acreditación institucional de centros universitarios.
- Lei 6/2013, do 13 de xuño, do Sistema Universitario de Galicia.

- Real Decreto 592/2014, de 11 de xullo, polo que se regulan as prácticas académicas externas do estudiantado universitario.
- Real Decreto 1791/2010, de 30 de decembro, polo que se aproba o Estatuto do Estudiante Universitario.
- Real decreto-lei 2/2023, do 16 de marzo, de medidas urxentes para a ampliación de dereitos dos pensionistas, a redución da fenda de xénero e o establecemento dun novo marco de sostibilidade do sistema público de pensións.

#### Outros documentos de referencia:

- Universidade de Vigo:
  - Regulamento de prácticas académicas externas do estudiantado da Universidade de Vigo, aprobado en consello de goberno do 29 de abril de 2021 e modificado no consello de goberno do 22 de novembro de 2023.
  - Regulamento de estudantes da Universidade de Vigo aprobado polo Claustro Universitario o 13 de abril de 2021.
  - Instrucións para o desenvolvemento do regulamento das prácticas académicas externas na Universidade de Vigo.
  - Instrución sobre o nomeamento de titores de prácticas académicas externas extracurriculares
  - Resolución reitoral, do 21 de novembro de 2023, que establece o réxime de inclusión na Seguridade Social e cotización do alumnado da Uvigo que realice prácticas académicas externas.

### III.2. Definicións

- **Prácticas académicas externas:** Constitúen unha actividade de natureza formativa realizada polo estudiantado universitario e supervisada polas universidades, cuxo obxectivo é permitir ao mesmo aplicar e complementar os coñecementos adquiridos na súa formación académica, favorecendo a adquisición de competencias que os preparen para o exercicio de actividades profesionais, faciliten a súa empregabilidade e fomenten a súa capacidade de emprendemento (RD 822/2021 de 28 de setembro).
- **Prácticas académicas externas curriculares:** Constitúen unhas actividades académicas integradas nun plan de estudos con carácter obrigatorio ou optativo. O tratamento destas prácticas é como o de calquera materia: disporán dunha guía docente e a súa duración ten relación directa co seu número de créditos. A xestión destas prácticas realízase polos centros docentes.
- **Prácticas académicas externas extracurriculares:** Constitúen unha serie de actividades académicas co mesmo fin que as prácticas externas curriculares pero non se inclúen no plan de estudos, teñen carácter

completamente voluntario, e deberán ter unha duración mínima de 6 ECTS ou 150 horas. No caso do estudiantado de grao, a superación do 50% dos créditos da titulación é un requisito para a súa realización. A xestión destas prácticas realízase pola FUVI.

- **Proxecto formativo:** Documento no que se concreta a realización de cada práctica académica externa e no que se deberán fixar os obxectivos educativos e as actividades que se desenvolverán (RD 592/2014, do 11 de xullo).
- **Convenio de Cooperación Educativa:** Documento que establece o marco regulador das relacións entre o/a estudante, a entidade colaboradora, a Universidade de Vigo e, no seu caso, a entidade encargada da xestión das prácticas extracurriculares, na realización das prácticas externas. A Universidade de Vigo deberá subscribir este convenio coas entidades colaboradoras antes da realización das prácticas externas.
- **Regulamento propio de ordenamento das prácticas académicas externas curriculares do centro:** Documento elaborado polos centros docentes ou polas comisións académicas dos másters e aprobado pola xunta de centro, no que se definen as responsabilidades para aprobar os contidos do proxecto formativo, o procedemento de oferta e difusión das prácticas, o procedemento de elección e de adxudicación das prácticas e do profesorado titor académico e os procesos para a realización dos informes e da memoria final e para a avaliación e cualificación.

### III.3. Abreviaturas e siglas

- ACSUG: Axencia para a Calidade do Sistema Universitario de Galicia.
- AEE: Área de Emprego e Emprendemento.
- ECTS: *European Credit Transfer System* (Crédito Europeo).
- FUVI: Fundación Universidade de Vigo.
- PDI: Persoal Docente e Investigador.
- PTXAS: Persoal Técnico de Xestión de Administración e Servizos.
- SET: Suplemento Europeo ao Títulos.
- SGC: Sistema de garantía de calidade.

---

## IV DESENVOLVEMENTO

#### IV.1. Finalidade do proceso

Garantir o desenvolvemento axeitado das prácticas académicas externas de forma que:

- Contribúan á formación integral do estudantado ao completar a súa aprendizaxe teórica e práctica.
- Faciliten o coñecemento da metodoloxía de traballo adecuada á realidade profesional en que o estudantado deberá operar, contrastando e aplicando os coñecementos adquiridos.
- Favorezan o desenvolvemento de competencias técnicas, metodolóxicas, persoais e participativas.
- Obteñan unha experiencia práctica que facilite a inserción no mercado de traballo e mellore a súa empregabilidade futura.
- Favorezan os valores da innovación, a creatividade e o emprendemento.

#### IV.2. Responsable do proceso

- Coordinador/a de prácticas externas do centro.

#### IV.3. Indicadores

Para a medición dos resultados asociados a este procedemento terase en conta o panel de indicadores centralizado segundo o establecido no procedemento “*DE-02 Seguimento e Medición*”.

A descrición e o modo de cálculo destes indicadores están definidos no catálogo de indicadores, dispoñible no portal de transparencia da Universidade de Vigo.





---

## V ANEXOS

### Documentos

Non hai documentos asociados a este procedemento.

### Rexistros

Identificación do rexistro		Soporte orixinal	Lugar de arquivo	Responsable da custodia (órgano/posto)	Duración
Código	Denominación				
R1 DO-0204	Listaxe das entidades para a realización de prácticas externas	Electrónico	Aplicación do SGC	Coordinador/a de Prácticas do Centro	6 anos